

## Transkription von Urkunde BLN 1364a

Ort, Datierung: Berlin, 1364-02-02

Signatur: Landesarchiv Berlin, 1364-02-02

Inhalt: Gebrüder Valke: Zollvereinbarung

Jk Clawus valke von der Litzeniz Ritter . vnde ik Hans . vn(de) ik Erik Brude(re) . geheiten valken .  
Hern Clawus / valken sone . wý vn(de) vnse Rechte eruen . Bekenne(n) allen samen . in dissē  
ieghe(n)wordighen Briue . vor / allen vromen Luden . die en sin oder horen lesen . Dat die vromen Lude  
. die Raetmanne in beyden / steden Berlin vn(de) Coln . hebben met vns ge redet vn(de) gesproken .  
vn(de) wy <sup>1</sup> weder met en . vmme dat geley/de . vn(de) vmme den Tol tũ sarmu(n)t . Also . dat nach  
irer anwisinghe . also si vns vnderwiset vn(de) an/gerichtet hebben . vn(de) ok . also wý vns iruraghet  
hebb(e)n . von altseten wisen beruen Lüden . vn(de) von / Rechter anwisinghen irkenne(n) konen . So  
sin si . vn(de) alle ire besetene Borge(re) tu Berlin vn(de) tu Coln / alghemeyne . armen vn(de) Riken .  
Die nũ sin . vn(de) noch tu komende sin . von Rechte . vn(de) nach alder wonheit / nicht meer  
plichtich tu geuen von tolles wegh(e)n . von geleydes wegh(e)n . vn(de) von vngeldes wegh(e)n . tu /  
sarmu(n)t . wanne si dar tu varen . met iren gũde . wan slichtes io van den waghen . eyne(n) Dam  
pe(n)nýgh / alleyne vn(de) dar . boue(n) nictes meer . vnde vppe dat . dat si vngeerret blýuen  
mogh(e)n vn(de) sullen ewich/like . bi der vorsproken Rechticheit . als si . die von alder gehat hebben .  
vn(de) dar an nicht gekrenket / nochte gehyndert . nochte dar bouen besueret werden von ymande .  
nochte von vns . nochte von vn/sen eruen . nochte von vns(en) nakomelinghen . so hebbe wy met  
beraden mũde . en . dissē ieghe(n)wordi/gen vns(en) opene brief . dar vp ge geue(n) . tu eyner  
ewigh(e)n stedicheit disser vorgenante(n) Rechticheit / vnde hebben tu tũghe vns(e) ingesegeln laten  
dar an hangh(e)n . Ge geue(n) tu berlin . na godes Bort drit/teinhundert iar . dar na in den vier vn(de)  
sestigesten iare . an vnser vrowen daghe Lichtwýunghe . /

---

<sup>1</sup> eingefügt